

## REGLUR

### um rannsóknarnám í viðskipta- og hagfræðideild Háskóla Íslands.

#### 1. gr.

##### *Rannsóknarnámsnefnd.*

Í deildinni starfar rannsóknarnámsnefnd, sem fer með málefni rannsóknarnámsins. Hlutverk hennar er m.a. að fjalla um umsóknir og samþykkja námsáætlanir, tilnefna prófdómara og sinna öðrum málum sem deild kann að fela henni.

#### 2. gr.

##### *Umsóknarfrestur.*

Umsóknarfrestur um rannsóknarnám er til 15. mars ár hvert. Rannsóknarnámsnefnd getur þó ákveðið að taka við umsóknum eftir þann tíma.

#### 3. gr.

##### *Meðferð umsókna.*

Umsóknum skal skilað til viðskipta- og hagfræðideildar. Rannsóknarnámsnefnd fjallar um umsóknir og tekur afstöðu til þeirra. Sé sótt um doktorsnám skal umsókn fylgja ítarleg greinargerð um námsáætlun og rannsóknarverkefnið og samþykki tilvonandi leiðbeinanda. Breytingar á námsáætlun eru háðar samþykki rannsóknarnámsnefndar.

Ferli umsókna um meistara- eða doktorsnám:

- a) Nemandi finnur sér leiðbeinanda, sé um doktorsnám að ræða.
- b) Nemandi sækir um inngöngu í rannsóknarnám á sérstöku eyðublaði.
- c) Greint skal frá því hvort umsækjandi hyggst sækja um fjárstuðning í tengslum við námið (t.d. til Rannsóknarnámssjóðs). Liggi fyrir drög að umsókn til sjóða skulu þau fylgja umsóknum.
- d) Deildin synjar nemanda ef umsókn uppfyllir ekki gæðakröfur eða samþykkir umsóknina og tilkynnir niðurstöðu bréflaga.

#### 4. gr.

##### *Inntökuskilyrði.*

B.A.-, B.S.- eða cand.oecon.-próf í viðskiptafræði eða hagfræði eða annað sambærilegt próf er skilyrði fyrir inntöku í M.S.-nám í viðskiptafræði og hagfræði. Nemendur sem hafa lokið B.A.- eða B.S.-prófi eða sambærilegu prófi í öðrum greinum geta sótt undirbúningsnám í viðskiptafræði og/eða hagfræði og fengið inngöngu í M.S.-námið að því loknu. Rannsóknarnámsnefnd ákveður hvaða námskeið hver nemandi þarf að taka í þeim tilvikum, á grundvelli fyrri náms og reynslu umsækjanda. Nemendur í undirbúningsnámi þurfa að fullnægja sömu kröfum og nemendur í B.S.-námi í einstökum námskeiðum en auk þess er m.a. tekið mið af meðaleinkunn í undirbúningsnámi við ákvörðun um inntöku í meistaranám.

Háskólapróf er skilyrði fyrir inntöku í M.A.-nám í mannauðsstjórnun. M.A.- eða M.S.-próf í viðskiptafræði eða hagfræði eða sambærilegt er skilyrði fyrir inntöku í doktorsnám.

Rannsóknarnámsnefnd velur úr hópi umsækjenda á grundvelli fyrri námsárangurs og annarrar frammistöðu.

## 5. gr.

*Einingafjöldi og tímalengd náms.*

Meistaránám er 45 eða 60 einingar. Nemendur í M.S.- og M.A.-námi sitja námskeið til 30 eða 45 eininga og skrifa auk þess ritgerð sem getur verið ýmist 15 eða 30 einingar. Miðað við fullan námshraða og 15 eininga lokaritgerð svarar námið til þriggja missera, en fjögurra missera sé ritgerðin þrjátíu einingar.

Til að ljúka tveimur meistaraprófum frá deildinni þarf nemandi að ljúka öllum skyldu námskeiðum á hvoru sviði og sitja samanlagt námskeið til minnst 45 eininga. Þá þarf hann annaðhvort að skrifa tvær sjálfstæðar 15 eininga ritgerðir eða eina sameiginlega 30 eininga ritgerð.

Doktorsnám er 120 einingar hið minnsta og miðað við fullan námshraða tekur það 4 ár.

Nemendur í M.S.- og M.A.-námi hafa þrjú ár til að ljúka náminu. Þar af þurfa þeir að ljúka a.m.k. 12 einingum í námskeiðum á fyrsta árinu og öllum námskeiðum á tveimur árum. Standist nemandi ekki þær kröfur getur rannsóknarnámsnefnd fellt niður skráningu nemandans í námið.

## 6. gr.

*Uppbygging doktorsnáms.*

Doktorsnám felst einkum í rannsókn sem lýkur með doktorsritgerð. Þó geta bæði rannsóknarnámsnefnd og leiðbeinandi saman eða sitt í hvoru lagi gert kröfu um að nemandi í doktorsnámi ljúki einnig námskeiðum. Leiðbeinandi nemanda gerir þá tillögu að áætlun fyrir þennan hluta námsins og leggur fyrir rannsóknarnámsnefnd. Hluti námskeiðanna getur verið lesnámskeið og skal þá rannsóknarnámsnefnd tilnefna umsjónarmann eða menn með hverju námskeiði. Umsjónarmenn ákveða kröfur í viðkomandi námskeiðum og skera úr um hvort nemandi hafi staðist þær.

## 7. gr.

*Námskeið í grunnnámi sem hluti af framhaldsnámi.*

Ekki er heimilt að nýta námskeið á B.S.-stigi eða úr sambærilegu námi sem námskeið til meistaránáms.

Hafi nemandi lokið námskeiðum á meistarastigi sem hluta af kröfum til B.S.-prófs eða í sambærilegu námi má þó meta þau sem hluta af meistaránámi. Þá þarf nemandi að bæta við sig námskeiðum á B.S.- eða meistarastigi til jafnmargra eininga og hann fær metin með þessum hætti.

Heimilt er að samnýta að einhverju leyti fyrirlestra fyrir bæði B.S.- og meistaránámskeið en námskröfur skulu vera aðrar fyrir meistaranevendur en B.S.-nemendur.

## 8. gr.

*Umsjónarkennari og leiðbeinandi.*

Sérhver framhaldsnemi skal frá upphafi náms hafa umsjónarkennara úr hópi fastra kennara í viðkomandi grein, sem hann ráðfærir sig við um skipulag námsins, val námskeiða og annað sem náminu tengist. Umsjónarkennari, ásamt nemanda, leggur fram námsáætlun fyrir rannsóknarnámsnefnd. Leiðbeinandi leiðbeinir meistaraneমা í lokaverkefni. Umsjónarkennari og leiðbeinandi eru að jafnaði sami maðurinn. Heimilt er að hafa tvo eða fleiri leiðbeinendur og bera þeir þá sameiginlega ábyrgð á að leiðbeina nemandanum.

## 9. gr.

*Kröfur til umsjónarkennara og leiðbeinenda.*

Umsjónarkennari og leiðbeinandi skulu ávallt vera lektor, dósent eða prófessor í viðkomandi grein. Verkefni nemandans skal vera á sérsviði leiðbeinandans. Leiðbeinendur skulu vera viðurkenndir sérfræðingar á viðkomandi sviði og hafa birt ritsmíðar er tengjast verkefni stúdents á vettvangi sem gerir strangar fræðilegar kröfur. Leiðbeinandi meistaránema skal hafa lokið meistaraprófi hið minnsta og leiðbeinandi doktorsnema doktorsprófi eða áunnið sér jafngildi þess.

## 10. gr.

*Meistaraprófs- og doktorsnefndir.*

Kjósi meistaránemi að skrifa 15 eininga ritgerð leggur leiðbeinandi nemandans mat á ritgerðina ásamt prófdómara sem rannsóknarnámsnefnd tilnefnir. Séu tveir eða fleiri fastir kennarar í deildinni leiðbeinendur nemandans leggja þeir allir mat á ritgerðina auk prófdómara.

Kjósi meistaránemi að skrifa 30 eininga ritgerð skal rannsóknarnámsnefnd tilnefna mann til að sitja í meistaraprófsnefnd fyrir nemandann ásamt leiðbeinanda hans. Rannsóknarnámsnefndin tilnefnir einnig prófdómara sem leggur mat á ritgerðina ásamt meðlimum meistaraprófsnefndar. Meistaraprófsnefnd skal prófa nemanda munnlega úr efni ritgerðarinnar.

Prófdómarar og meðlimir meistaraprófsnefndar skulu vera sérfróðir á viðkomandi fræðasviði og hafa lokið meistaraprófi hið minnsta.

Doktorsnefnd skal skipuð þremur til fimm mönnum sem rannsóknarnámsnefnd tilnefnir og skal a.m.k. einn þeirra vera utan deildar. Doktorsnefnd kveður doktorsefni á sinn fund eftir því sem þurfa þykir meðan á náminu stendur og prófar doktorsnemann í almennri fræðilegri þekkingu og rannsóknaraðferðum á viðkomandi sviði. Slíkt próf skal fara fram um miðbik námsins. Áður en til doktorsvarnar getur komið skilar doktorsnefndin rökstuddu álitni til deildar um það hvort gefa skuli doktorsefni kost á að leggja ritgerð fram til doktorsvarnar.

Meðlimir doktorsnefndar skulu vera sérfróðir á viðkomandi fræðasviði og hafa lokið doktorsprófi eða áunnið sér jafngildi þess.

Andmælendur við doktorsvörn skulu vera tveir óháðir aðilar, sem ekki eiga sæti í doktorsnefnd. Deildarfundur tilnefnir andmælendur. Annar andmælandinn skal vera utan deildar en hinn má vera innan deildar.

## 11. gr.

*Kynning rannsókna.*

Meistaránemar skulu kynna rannsóknir sínar í opinberri málstofu eða með öðrum samþætilegum hætti sem rannsóknarnámsnefnd samþykkir.

Doktorsnemar verja ritgerðir sínar í samræmi við reglur skólans um doktorsvarnir.

## 12. gr.

*Námsmat.*

Námsmat í einstökum námskeiðum er á ábyrgð viðkomandi kennara.

Í doktorsnámi eru ekki gefnar einkunnir að öðru leyti en því að lagt er mat á hvort nemandi hefur staðist þær kröfur sem gerðar eru í hverjum hluta námsins.

## 13. gr.

*Skil og frágangur lokaverkefna.*

Ritgerðum skal skilað til deildar.

Skilafrestur á lokaverkefnum meistaranema er sá sami og fyrir B.A.-, B.S.- og cand.oecon.-nemendur í deildinni. Frestur til að skila doktorsritgerðum rennur út tveimur mánuðum fyrir. Koma skal fram hverjir leiðbeinendur eru og eftir atvikum meðlimir meistara-prófs- og doktorsnefnda. Doktorsnefnd skal ákvarða innan tveggja mánaða frá því að ritgerð er lögð fram hvort hún er hæf til doktorsvarnar.

M.S.- eða M.A.-ritgerð skal skilað í þremur eintökum ef um 15 eininga ritgerð er að ræða en fjórum ef ritgerðin er til 30 eininga. Doktorsritgerð skal skilað í nægum fjölda eintaka til að meðlimir doktorsnefndar og prófdómarar fái eitt eintak hver og tvö eintök gangi af. Deild varðveitir eitt eintak af doktorsritgerðum.

Hverri doktorsritgerð skal fylgja útdráttur á íslensku og ensku. Koma skal skýrt fram að verkefnið er unnið við Háskóla Íslands og geta skal þeirra sjóða Háskólans sem styrkt hafa verkefnið.

Í öllum tilvikum kemur deildin einu eintaki af ritgerð til Háskólabókasafns.

14. gr.

*Lærdómstitlar.*

Þeir sem ljúka rannsóknatengdu meistaraþrófi í viðskiptafræði eða hagfræði í deildinni fá lærdómstitilinn *Magister scientiarum* (M.S.), þeir sem ljúka rannsóknatengdu meistaranámi í mannauðsstjórnun lærdómstitilinn *Magister Artium* (M.A.) en þeir sem ljúka doktorsþrófi lærdómstitilinn *Philosophiae Doctor* (Ph.D.).

15. gr.

*Gildistaka.*

Reglur þessar, sem samþykktar hafa verið af deildarfundi í viðskipta- og hagfræðideild og hlotið staðfestingu háskólaráðs, sbr. 2. mgr. 13. gr. laga nr. 41/1999 um Háskóla Íslands og ákvæði VI. kafla. sameiginlegra reglna fyrir Háskóla Íslands nr. 458/2000, öðlast þegar gildi.

Auk birtingar í B-deild Stjórnartíðinda, sbr. 1. mgr. 20. gr. laga nr. 41/1999 skal birta reglur þessar í kafla viðskipta- og hagfræðideildar í kennsluskrá og á heimasíðu deildarinnar.

*Háskóla Íslands, 4. desember 2003.*

**Páll Skúlason.**

\_\_\_\_\_  
*Þórður Kristinsson.*